

Giryama - Agape Maoro - God's Love Letter Scriptures

Johana 15:9 "Here Baba arizhonihendza, bai nami namuhendza ninwi dza vizho.
Kalani kahi za mahendzo gangu.

Isaya 43:1,2 - AEfeso 2:10 Sisi fu kazi ya Mulungu, faumbwa kukirira kwa Masihi
Jesu, ili fuhende garyahu mahendo madzo arigo Mulungu wafupangira hangu
chaho fugahende.

Jeremia 1:5 - AGalatia 1:15 Ela bai Mulungu were wanithenga k'anda hangu mumo
ndanini mwa m'ama, na kwa nemaye akinihia nimuhumikire.

Johana 15:16 Ninwi k'amunitsagulire, ela mimi ndimi niriyemutsagula kwamba
mukazhale matunda gandigotoa na Baba andamup'a rorosi mundiromala kwa
dzina rangu.

3 Johana 1:2 Bai musena, ninakuvoyerera ufanikiwe kahi za maut'ugo gosi na
mwiriwo ukale na afya mbidzo dza vizho urizho una afya mbidzo ya kiroho.

Isaya 43:4 - 1 P'et'ero 2:9,10 Ela chamba k'amuvizho nidzizhomwambira
mundakala mu here mut'u kipofu atseona, kwani mundakala mudzasahau
kukala zo dambi zenu za kapindi Mulungu wagonya kumutsusa kare. 10 Kwa
vizho hendani chadi ndugu zangu, ili maisha genu ganyese kukala
mwatsagulwa ni Mulungu jeri, nanwi mukihenda vizho asena, k'amundauya
nyuma ng'otolo.

Jeremia 31:3 - AEfeso 1:4 Kwa mahendzo, Mulungu wahutsagula kabila
urumwengu k'audzaumbwa, kwamba fukale aeri bila kaila kokosi mbereze.

2 T'imoth'i 1:9 Mulungu wafuokola na akifwiha, ili huishi maisha maeri. Naye
wahenda vivi, si kwamba were fwahenda rorosi ridzo, hatha bule. Iye wahenda
vizho kuhendza mwenye na kwa ut'u wa yo nemaye. Nema ii fwaigerwa kukirira
na Masihi Jesu hantu hatha urumwengu k'audzaumbwa.

Johana 3:16 "Kwa mana Mulungu wauhendza urumwengu zhому hatha
akimulazha Mwanawe wa h'akeye ili kila amukuluhiraye asingamike, ela akale
na uzima wa kare na kare. Hosea 11:8; Isaya 49:15,16; & Isaya 41:13,14

Luka 12:32 "Musogohe ninwi badhi thithe, kwa kukala Babiyenu adzaona ni vidzo
kumup'a wo uthawali.

Math'ayo 28:20 Na muafundishe magagwire maut'u gosi nirigomulagiza. Na lola
mimi nindakala hamwenga nanwi siku zosini muhaka mwisho wa dhunia."

Johana 14:1 "Musikale na wasiwasi moyoni mwenu. Mukuluhireni Mulungu na
mimi nami.

Zaburi 23:1 - Johana 10:11 "Mimi ndimi murisa mudzo. Murisa mudzo yu thayari
kufwa kwa ut'u wa zo ng'ondzi.

Zaburi 23:2 - Ugunulo 7:17 Kwa kukala ye Mwana Ng'ondzi ariye kahikahi za cho
kihi cha endzi, andakala murisa wao na andaalongoza kwenda ko kwenye
matso ga madzi ga uzima. Na Mulungu andaafuta matsozi gao gosi."

Zaburi 23:3,4 - Luka 1:79 Naro dzuwa riro rindaang'alira aryahu mario manaishi
kizani na mario kahi za kivurivuri cha kifwa. Naro rindang'ala kwamba rilongoze
nyayo zehu zizhoge kahi za ngira yendayo dherini."

Zaburi 23:5,6 - 2 AKorintho 1:10 Iye nde ariyehuthizha kula kahi za hathari bomu
ya kifwa kicho, kidza andaenderera kufuthizha. Naswi hunakuluhira kukala iye

ariyehuthizha andaenderera kuhuthizha.

AFilipi 4:7 Bai dheri ra Mulungu ambaro k'ahana mudamu adimaye kurielewa
nariihendye miyo yenu na maazo genu gakale kahi za Masihi Jesu.

Fumbo 3:24 & Zaburi 4:8 - Johana 14:27 Ninamup'a dheri, na dheri rangu si here
riro ra urumwengu umup'azho. Musikale na wasiwasi na musogohe.

Zaburi 33:18 - 1 P'et'ero 3:12 Kwa kukala matso ga Mulungu ganaalola ahachi na
masikiroge ga Iwazu kusirikiza mavoyo gao o ahachi. Ela ao mahendao maut'u
mai-mai, be Mulungu akinyume nao na k'afwahirwa nao."

ARumi 5:2 Kukirira na Jesu Masihi, siswi fwapata ngira ya kuhokerera nema ya
Mulungu kwa kukuluhira, na vivi funaishi kahi za nema iyo. Funasikira
kufwahirwa zhomu kwa kukala funa th'amaa ya kupata muthalo kahi za nguma
ya Mulungu.

Isaya 55:12 - Luka 19:40 Jesu akiadzigidzya akiamba, "Ao makinyamala, be
namwambira kamare gaga mawe gandapiga londzo kare."

Johana 16:22 Ninwi vivi muna kigondzi, ela mimi nindamona kaheri na miyo yenu
indadzala furaha, furaha ambayo k'akuna adimaye kuyusa kwenu.

Luka 12:9 Ela kila mut'u andiyenikahala mbere za at'u, iye naye andakahalwa
mbere za malaika a Mulungu.

Math'ayo 10:30 Na hatha zo nyere zenu kidza Mulungu anazimanya isabuye.

Isaya 54:10 - Math'ayo 24:35 Mulunguni na ts'i, zhosi vindahenda mwisho, ela
maneno gangu k'agana mwisho bule."

Math'ayo 11:28-30 "Ndzoni kwangu ninwi nyosi musirimao, na murio
mudzaremererwa ni mizigo nami nindamuoyeza. 29 Rivaleni gogo rangu,
mudzifundishe kwangu, kwa kukala mimi ni mup'echo na mup'ore, nanwi
mundaoya kamare kahi za maroho genu. 30 Kwani gogo rangu ni shushu na
muzigo wangu k'auremerera." Selemanni 2:10 & Hosea 2:14,19,20

2 AKorintho 11:2 Kwani mimi be nina wivu nanwi, ela wivu uu ni wa Kimulungu.
Ninwi namuhendya mulolwe, na nimulazhe here musichana kwa mulume
mumwenga, Masihi.

Exodus 3:14 - AEburania 13:8 Jesu Masihi ni iye mumwenga, dzana, na rero, na
hatha kare na kare, k'agaluka bule.

Hosea 13:4 - Mahendo 4:12 Wo wokolwi be k'aupatikana kukirira kwa mut'u yoyosi
mungine, kwani kahi za urumwengu muzima k'akuna dzina ringine ambaro
anadamu magerwa ili siswi fudime kuokoka kukirira kwa riro, hasihokala dzina
ra Jesu."

Johana 15:14 Nanwi mukihenda here nimulagizazho mundakala asenangu.

Johana 14:6 Bai Jesu akimudzigidzya akiamba, "Mimi ndimi ngira, ndimi ujeri na
ndimi uzima, k'akuna adimaye kudza kwa Baba asihokirira kwangu.

Ugunulo 3:20 Kwani lola niimire muryangoni ninabisha. Kila andiyesikira sauthi
yangu na kunivugulira, nindangira mwakwe nyumbani nirye hamwenga naye, na
iye naye arye hamwenga nami.

Pastor T. John Franklin
Church of Salvation, Healing, and Deliverance
COS-HAD.org